



Qallunaat oqaasiinut taarsiullugit Tuluit oqaasiisa pingaarnert aappaattut Nunatsinni meeqqat atuarfianni atuartitsissutigineqartalernissaat pillugu apeqquaqaat aallaavigalugu Inatsisartut oqallinnissaannik siunnersuut.

(Inatsisartunut ilaasortaq Vivian Motzfeldt, Siumut)

Siullermik Demokraatiniik qujarusuppugut Siumumiik Vivian Motzfeld oqallissaarummik pingaaruteqarluinnartumik qaqsineranut.

Demokraatiniik isumarivarput kingusippallaarujussuartoq tuluit oqaasiinik meeqqat atuarfianni aallartittarneq 4. klassimiik tamanna pisarmat.

Nunatsinni aaliangiussinissaq misingissutsinik aallaaveqartinnagu pisariaqalerpoq aaliangiutissallugu.

Nunatta siunissaa meeqqattalu siunissami periarfissaat pitsaanerpaamik sinaakkusissallugit uangut pisussaaffingaarpur. Ukiorpasuaruilu ersingineqartutut issimavoq oqaatsinik qallunaat oqaasiinik immaqaluunniit tuluit oqaasiinik pingaartitsinerunissaq.

Aallartippallaartinnata oqaatingissavarput Demokraatiniik kalaallisut oqaatsigut pingaarnarpaatut inissisimanerat illersortuassangatsigu, kisiannili ullumikkut nunatsinni Kalaallisut oqallorissuserput suli pitsaaninngortikkusullutigu. Oqaatsigut Kalaallit oqaasii meeqqat atuarfianni suli pitsaanerujummik ilinniartitsissutingisariaqarpagut.

Taamatut oqareerluta isumaqarpugut qallunaat oqaasii tuluillu oqaasii nalingiimmik ingerlanneqartariaqartut. Siunissami piaartumik taamatut inissiinissaq pisariaqavissoraarpur. Tassa imak paasillugu, allamiut oqaasiini siullertut qallunaat oqaasii tuluillu oqaasii nalingiilersittariaqarpagut.

Ajornanngippat ilikkartaatsimullu pitsaassusaa ajoqutissaqanngippat, isumaqarpugut meeqqat atuarfianni 1 . klassimiik tuluit oqaasii qallunaallu oqaasii meeqqatta ilinniarlugit aallarteriissagaat.

Ilisimasagut malillugit atuarfiit taamatut aallartereerput, ilaatigut sisimiuni Minngortuunnguup Atuarfiata tamanna ingerlappaa, aamma maani Nuummi friskole taamak ingerlalereerpoq. Tamarmillu misilittagaat angajoqqaaniik meerartaaniik ilinniartitsisuiniillu nuannersumik angusaqarfiusumillu oqaatinginiarneqartarput.



Sapiissuseqarluta politikkikkut aaliangiiniarta, ineriartorneq sukkaqaaq, oqaatsit allamiusut oqaatsit sakkuupput, allamiutullu oqalussinnaaneq kalaaliussutsimik minnerulersitsinaviangilaq. Nunarput inerisarusupparput, takornariaqarneq, aaliasakkanik tuniniaaneq, aatsitassanik avammut tuniniaanissaq, nunarsuatsinnullu attaveqarluarnissaq aallunniarutsigit qallunaat oqaasii naammannerujussuarput.

Ilinniartitaanermullu qiviassangutta utoqqatsissutaassanngilaq qallunaat nunaanni ilinniarsinnaaneq annaassaneripput, ilinniakkat amerlanerpaat naammassissangaanni qallunaat nunaanni aamma tuluit oqaasii pingaaruteqarluinnarput. Ullumikkut ilinniartut artukkikkagut, pisariaqanngittumillu assoroortitagut amerlavallaaqaat, tassa siusinaarluta sakkussaannik oqaatsinik pingaarutilinnik ilinniartissimangaluarutsigit oqinnerungaartumik ilinniarnarup tungaatigut ingerlasinnaanerit qulakkeersinnaagaluarput.

Tassanilu apeqqutaanginnarpoq politikkikkut sapiissuseq aaliangersinnaassuserlu.